

简体字本二十六史



史  
記

民出版社

● 简体字本二十六史

# 史记

【汉】司马迁 撰  
【宋】裴 駰 集解

【唐】司马贞 索隐  
【唐】张守节 正义  
王 和 申 坚 等 标点

卷一三——卷一七

吉林人民出版社



# 史记卷一三 世表第一

## 三代

[索隐]曰：应劭云：“表者，录其事而见之。”案：《礼》有《表记》，而郑玄云“表，明也。”谓事微而不著，须表明也，故言表。[正义]曰：言代者，以五帝久古，传记少见，夏殷以来，乃有《尚书》略有年月，比于五帝事迹易明，故举三代为首。表者，明也。明言事仪。

太史公曰：五帝、三代之记，<sup>①</sup>尚矣。自殷以前诸侯不可得而谱，<sup>②</sup>周以来乃颇可著。孔子因史文次《春秋》，纪元年，正时日月，盖其详哉。至于序《尚书》则略，无年月；或颇有，然多阙，不可录。故疑则传疑，盖其慎也。

<sup>①</sup>[索隐]案：此表依《帝系》及《系本》。其实叙五帝、三代，而篇唯名《三代系表》者，以三代代系长远，宜以名篇；且三代皆出自五帝，故叙三代要从五帝而起首也。[索隐]刘氏云：“尚，犹久古也。‘尚矣’之文元出《大戴礼》，彼云‘黄帝尚矣’。”

②[正义]曰：谱，布也，列其事也。

余读谱记，①黄帝以来皆有年数。稽其历谱终始五德之传，②古文咸不同，乖异。夫子之弗论次其年月，岂虚哉！于是以《五帝系谱》、《尚书》集世纪黄帝以来迄共和为《世表》。③

①[索隐]曰：谱，音昧。昧者，记系谱之书也。下云“稽历谱谍”，谓历代之谱谍也。

②[索隐]曰：音啜。谓帝王更王，以金木水土之五德传次相承，终而复始，故云终始五德之传也。

③[索隐]曰：案：《大戴礼》有《五帝德》及《帝系》篇，盖大史公取此二篇之谱及《尚书》，集而纪黄帝以来为系表也。历王奔戴，周、召二公共相王室，故曰共和。皇甫谧云“共伯和干主位”，则以共国，伯爵；和，其名也。干王位，言篡也。与史迁之说不同，盖异说耳。

帝王世国号	颛项属	佶属	尧属	舜属	夏属	殷属	周属
黄帝，号有熊。	黄帝生昌意。	黄帝生玄器。	黄帝生玄器。	黄帝生昌意。	黄帝生昌意。	黄帝生玄器。	黄帝生玄器。
帝颛项，黄帝孙。起黄帝，至为高阳氏。颛项三世。	昌意生颛项，玄器生蚘极。	昌意生颛项。颛项生穷蝉。 [索隐]曰：《系本》作“穷系”。 宋衷云：“穷系，溢也。”	玄器生蚘极。	昌意生颛项。	昌意生颛项。	玄器生蚘极。	玄器生蚘极。蚘极生高辛。

帝偁，黄帝曾孙。起黄帝，至帝偁四世。号高辛。	蚘极生高辛，高辛生帝偁。 [索隐]曰：黄帝玄孙。	蚘极生高辛，穷蝉生敬康，高辛生放勋。敬康生句望。	高辛生高。	高辛生后稷，为周祖。
帝尧，起黄帝，至偁子五世。号唐尧。	放勋为尧。	句望生蚘牛，蚘牛生瞽叟。	高为殷祖。	后稷生不窋。
帝舜，黄帝玄孙之玄孙，号虞。		瞽叟生重华，是为帝舜。	高生昭明。	不窋生鞠。
帝禹，黄帝耳			颛项生鲧。 鲧生文命。 [索隐]曰：《汉书》颛项五代而生鲧，此及《帝系》皆云颛项生鲧，是古文罔其代系也。	文命，是为
			昭明生相	鞠生公刘。

孙,号夏。					禹。	土。	相土生昌 若。 昌若生曹 圉。曹圉生 冥。 冥生振。	公刘生庆 节。 庆节生皇 仆。皇仆生 差弗。 差弗生毁 渝。毁渝生 公非。
帝启,伐有扈, 作《甘誓》。							振生微。微公非生高 生报丁。	高圉生高 亚圉。
帝太康							报丁生报 乙。报乙 生报丙。	亚圉生公 祖类。
帝仲康,太康 弟。							报丙生主 壬。主壬生太王亶父。	公祖类生 太王亶父。
帝相								
帝少康								
帝予〔素隐〕曰: 音直吕反,亦作								

<p>“宁”。[正义]相 为过浇所灭，后纣 归有仍，生少康。 其子子复禹绩。</p>						主癸。天	
<p>帝槐[索隐]曰： 音回，一音怀。 《系本》作“芬”。</p>						主癸生天 乙，是为殷历。季历生 汤。从汤至文王昌。益 黄帝十七 世。	<p>曹父生季 文王昌生 武王发。</p>
<p>帝芒[索隐]音 亡，一作“荒”。</p>							
<p>帝泄[索隐]音薛。</p>							
<p>帝不降</p>							
<p>帝扃，不降弟。[索隐]古莢切。</p>							
<p>帝麇[索隐]其靳反，又音勤。</p>							
<p>帝孔甲，不降子。好鬼神，淫乱不好德，二龙去。</p>							
<p>帝皋[索隐]曰：宋衷云：“墓在峻南陵。”</p>							

帝发[索隐]曰：帝皋子也。《系本》云：“帝皋生发及履癸。履癸一名桀。”

帝履癸，是为桀。

从禹至桀十七世。从黄帝至桀二十世。

殷汤代夏氏。殷汤从黄帝至汤十七世。

帝外丙，汤太子。太丁早卒，故立次弟外丙。

帝仲壬，外丙弟。

帝太甲，故太子太丁子。淫，伊尹放之桐宫。三年，悔过自责，伊尹乃迎之复位。

帝沃丁。伊尹卒。

帝太庚，沃丁弟。

帝小甲，太庚弟。殷道衰，诸侯或不至。[索隐]曰：《殷本纪》及《系本》皆云小甲，太康子。

帝雍己，小甲弟。

帝太戊，雍己弟。以桑谷生，称中宗。

帝中丁，俗本作“仲丁”。

帝外壬，中丁弟。

帝河亶甲，外壬弟。

帝祖乙

帝祖辛



帝沃甲，祖辛弟。〔索隐〕曰：《系本》作“开甲”。

帝祖丁，祖辛子。

帝南庚，沃甲子。

帝阳甲，祖丁子。

帝盘庚，阳甲弟。徙河南。

帝小辛，盘庚弟。

帝小乙，小辛弟。

帝武丁。雉升鼎耳雉。得傅说。称高宗。

帝祖庚

帝甲，祖庚弟。淫。徐广曰：“一云‘淫德，殷衰’。”

帝康辛〔索隐〕曰：或作“冯辛”。《系本》作“祖辛”，误也。按：上祖乙已生祖辛，故知非也。

帝庚丁，康辛弟。殷徙河北。

帝武乙。慢神震死。

帝太丁

帝乙。殷益衰。

帝辛，是为纣。弑。

从汤至纣二十九世。从黄帝至纣四十六世。

周王代殷。从黄帝至武王十九世。											
	鲁	齐	晋	秦	楚	宋	卫	陈	蔡	曹	燕
成王诵 [索隐]曰：本或作“庸”，非。	周公旦	太公尚	唐叔虞	恶来助 纣。父 飞廉， 有力。	熊绎。父鬻 鬻熊。	微子启；	康叔，	胡公满，	叔度，	叔振铎，	召公奭，
	初封。 武王弟。	初封。 文王、武 王师。	初封。 武王子。	初封。 事文王。	初封。 纣庶兄。	初封。	初封。	初封。	初封。	初封。	初封。
康王钊，刑错四 十余年。 [索隐]曰：克克反， 又音昭。	鲁公伯 禽	丁公吕 伋	晋侯燮	熊义	微仲， 启弟。	康伯 [索隐] 曰：唐叔 子，王孙 车父也。	申公	蔡仲			九世至 惠侯。
昭王瑕， 南巡不返。不赴， 讳之。	考公	乙公	武侯	熊黠 [索隐] 曰：吐感	宋公	孝伯	相公	蔡伯	太伯		

<p>[索隐]曰：音退。 宋衷云：“昭王南伐楚，辛由靡为左，涉汉中流而陨，由靡承王，遂卒不复。周乃侯其后于西翟也。”</p>	<p>炀公， 考公弟。</p>	<p>癸公</p>	<p>成侯</p>	<p>大几</p>	<p>熊胜</p>	<p>丁公</p>	<p>嗣伯</p>	<p>孝公</p>	<p>宫侯</p>	<p>仲君</p>	<p></p>
<p>穆王满。作《甫刑》。荒服不至。</p>	<p>幽公</p>	<p>哀公</p>	<p>厉侯</p>	<p>大骆</p>	<p>熊炀</p>	<p>湑公， 丁公弟。[索隐]曰：音捷。</p>	<p>湑伯</p>	<p>慎公</p>	<p>厉侯</p>	<p>官伯</p>	<p></p>
<p>懿王坚。周道衰，诗人作刺。</p>	<p>魏公 [索隐]曰：《系本》作“微公”，</p>	<p>胡公</p>	<p>靖侯</p>	<p>非子</p>	<p>熊渠</p>	<p>炀公， 湑公弟。</p>	<p>靖伯</p>	<p>幽公</p>	<p>武侯</p>	<p>孝伯</p>	<p></p>

	名弗甚。								
孝王方，懿王弟。	厉公	献公弑胡公。	秦侯	熊无康	厉公	贞伯	釐公		夷伯
夷王燮，懿王子。	献公，厉公弟。	武公	公伯	熊鸷红	釐公	顷侯			
厉王胡。	真公		秦仲	熊延，红弟。		釐侯			
以恶闻遇乱出奔，遂死于寗。									
共和，二伯行政。	武公，真公弟。			熊勇					

张夫子问褚先生曰：①“《诗》言契、后稷皆无父而生。今案诸传记咸言有父，父皆黄帝子也，②得无与《诗》谬乎？”

①[索隐]曰：褚先生名少孙，元成间为博士。张夫子，未详。

②[索隐]曰：案：上契及后稷皆帝曾孙，此云“黄帝子”者，谓是黄帝曾孙，而契、弃是玄孙也。

褚先生曰：“不然。《诗》言契生于卵，后稷人迹者，欲见其有天命精诚之意耳。鬼神不能自成，须人而生，奈何无父而生乎？一言有父，一言无父，信以传信，疑以传疑，故两言之。尧知契、稷皆贤人，

天之所生，故封之契七十里，后十余世至汤，王天下。尧知后稷子孙之后王也，故益封之百里，其后世且千岁，至文王而有天下。《诗传》曰：“汤之先为契，无父而生。契母与姊妹浴于玄丘水，有燕衔卵堕之，契母得，故含之，误吞之，即生契。”①契生而贤，尧立为司徒，姓之曰子氏。子者兹，兹，益大也。诗人美而颂之曰“殷社②芒芒，天命玄鸟，降而生商”。商者质，殷号也。文王之先为后稷，后稷亦无父而人美而颂之曰“殷社③芒芒，天命玄鸟，降而生商”。出见大人迹而履践之，知于身，则生后稷。姜嫄以为无父，贱而弃之道中，羊牛避不践也。抱之山中，④山者养之。又捐之大泽，鸟覆席食之。姜嫄怪之，于是知其天子，乃取长之。尧知其贤才，立以为大农，姓之曰姬氏。姬者本也。诗人美而颂之曰“厥初生民”，深修益成，而道后稷之始也。孔子曰：“昔者尧命契为子氏，为有汤也。命后稷为姬氏，为有文王也。大王命季历，明天瑞也。太伯之吴，遂生源也。”⑤天命难言，非圣人莫能见。舜、禹、契、后稷皆黄帝子孙也。黄帝策天命而治天下，德泽深后世，故其子孙皆复立为天子，是天之报有德也。人不知，以为泛从布衣匹夫起耳。夫布衣匹夫，安能无故而起王天下乎？其有天命然。”

①[秦隐]曰：案史所引出《诗纬》，故曰“诗传”。《殷本纪》云玄鸟翔水遗卵，就筒狄取而吞之。

②《诗》云“土”。

③[秦隐]曰：有邵氏之女也。韦昭云：“姜，姓；嫄，字也。”

④抱，普茅反。[秦隐]曰：抱，又如字。

⑤[秦隐]曰：言太伯之让季历居吴不反者，欲使传文王，武王拨乱反正，成周道，遂天下生生之原本也。

“黄帝后世何王天下之久远邪？”

曰：“《传》云天下之君王为万夫之黔首请赎民之命者帝，有福万世。黄帝是也。五政明修礼义，因天时举兵征伐而利者王，有福千世。蜀王，黄帝后世也，<sup>①</sup>至今在汉西南五千里，常来朝降，输献于汉，非以其先之有德，泽流后世邪？行道德岂可以忽乎哉！人君王者举而观之。汉大将军霍子孟名光者，亦黄帝后世也。”<sup>②</sup>此可为博闻远见者言，固难为浅闻者说也。何以言之？古诸侯以国为姓。霍者，国名也。武王封弟叔处于霍，后世晋献公灭霍公，后世为庶民，往来居平阳。平阳在河东，河东晋地，分为魏国。以《诗》言之，亦可为周世。周起后稷，后稷无父而生。以三代世传言之，<sup>③</sup>后稷有父名高辛，高辛黄帝曾孙。《黄帝始终传》曰：<sup>④</sup>“汉兴百有余年，有人不短不长，出自燕之乡，<sup>⑤</sup>持天下之政，时有婴儿主，<sup>⑥</sup>却行车。”<sup>⑦</sup>霍将军者，本居平阳自燕。臣为郎时，与方士考功<sup>⑧</sup>会旗亭下，<sup>⑨</sup>为臣言。岂不伟哉！”<sup>⑩</sup>

①[索隐]曰：案：《系本》蜀无姓，相承云黄帝后世子孙也。且黄帝二十五子，分封赐姓，或于蛮夷，盖当然也。《蜀王本纪》云朱提有男子杜宇从天而下，自称望帝，亦蜀王也。则杜姓出唐杜氏，盖陆终氏之胤，亦黄帝之后也。[正义]曰：潜记普云蜀之先肇于人皇之际。黄帝与子昌意娶蜀山氏女，生帝喆，立，封其支庶于蜀，历虞、夏、商。周衰，先称王者蚕丛，国破，子孙居姚、隗等处。

②[索隐]曰：案：《系本》云霍国，真姓后。周武王封弟叔处于霍。是姬姓亦黄帝后也。

③[索隐]曰：盖谓五行黻纬之说，若今之童谣也。

④[正义]本作“燕”。[正义]曰：一作“白鹿”。案：霍光，平阳人。平阳今晋州霍邑，本秦时霍伯国，汉为畿县，后汉改畿曰永安，隋又改为霍邑。遍检记传，无“白燕”之名，疑“白鹿”是乡之名。

⑤[索隐]曰：谓昭帝也。

⑥[索隐]曰：言霍光持政擅权，遏帝令如却行车，使不前也。

⑦[正义]曰：谓年老为方士最功也。

⑧[集解]《西京賦》曰：“旗亭五里。”薛綜曰：“旗亭，市樓也。立旗于上，故取名焉。”

⑨[索隱]曰：褚先生蓋腐儒也。設主客，引《詩傳》，云契、弃无父，及据《帝系》皆帝嘗之子，是也。而未引蜀主、霍光，竟欲证何事？而言之不经，芜秽正史，辄云“岂不伟哉”，一何诬也！

索隱述贊曰：高辛之胤，大启桡祥。脩己吞蕙，石纽兴王。天命玄鸟，简狄生商。姜嫄履迹，祚流歧昌，俱膺历运，互有兴亡。风余周、召，刑措成康。出彘之后，诸侯日强。

## 史记卷一四 年表第二

# 十二诸侯

〔索隐〕曰：篇言十二，实叙十三者，贱夷狄不数吴，又霸在后故也。不数吴而叙之者，阖闾霸盟上国故也。

太史公读《春秋历谱牒》，①至周厉王，未尝不废书而叹也。曰：呜呼，师孳见之矣！②纣为象箸③而箕子唏。周道缺，诗人本之衽席，《关雎》作。仁义陵迟，《鹿鸣》刺焉。及至厉王，以恶闻其过，④公卿惧诛而祸作，厉王遂奔于彘。⑤乱自京师始，而共和行政焉。是后或力政，强乘弱，兴师不清天子。然挟王室之义，⑥以讨伐为会盟主，政由五伯。⑦诸侯恣行，⑧淫侈不轨，贼臣篡子滋起矣。齐、晋、秦、楚，其在成周微甚，封或百里或五十里。晋阻三河，齐负东海，楚介江淮，⑨秦因雍州之固，四海佚兴，更为伯主，文武所褒大封，皆威而服焉。是以孔子明王道，干七十余君，莫能用。故西观周室，论史记旧闻，兴于鲁而次《春秋》，上记隐，下至哀之获麟，约其辞文，去其烦重，⑩以制义法，王道备，人事浹。七十子之徒口受其传



指，<sup>①</sup>为有所刺讥褒讳挹损之文辞不可以书见也。鲁君子左丘明撰弟子人人异端，各安其意，失其真，故因孔子史记论其语，成《左氏春秋》。铎椒为楚威王傅，为王不能尽观《春秋》，采取成败，卒四十章，为《铎氏微》。<sup>②</sup>赵孝成王时，其相虞卿上采《春秋》，下观近势，亦著八篇，为《虞氏春秋》。<sup>③</sup>吕不韦者，秦庄襄王相，亦上观尚古，删拾《春秋》，集六国时事以为八览、六论、十二纪，为《吕氏春秋》。及如荀卿、孟子、公孙固、韩非之徒，各往往捃摭《春秋》之文以著书，不可胜纪。<sup>④</sup>汉相张苍历谱五德，<sup>⑤</sup>上大夫妻仲舒推《春秋》义，颇著文焉。<sup>⑥</sup>

①[索隐]曰：案：刘沓云：“三代系表”旁行邪上，并效《周谱》。谱起周代。《艺文志》有《古帝王谱》。又自古为《春秋》学者，有年历、谱牒之说，故杜元凯作《春秋长历》及《公子谱》。盖因于旧说，故太史公得读焉也。”

②郑玄曰：“师挚，大师之名。周道衰微，郑、卫之音作，正乐废而失节，鲁大师挚识《关雎》之声，首理其乱也。”

③[索隐]曰：邹氏及刘氏著音直虑反，即著也。今案：箕子云“为象箸必为玉杯”，则箸者是樽也，音治略反。唏，叹声，音许既反。又音希，希亦声余，故记曰“夫子曰唏其甚也”，亦音飢。

④[索隐]曰：恶，音乌故反。过，音古卧反。故《国语》云“厉王止谤，道路以目”是也。

⑤[索隐]曰：甗，地名，在河东，后为永安县也。

⑥[索隐]曰：揅，音协。

⑦[索隐]曰：伯，音霸。五伯者，齐桓公、晋文公、秦穆公、宋襄公、楚庄王也。

⑧[索隐]曰：行，音下孟反。

⑨[索隐]曰：介，音界。言楚以江淮为界。一云介者，灭也。

⑩[索隐]曰：去，羌吕反。重，逐龙反。言约史记修《春秋》，去其重复之文也。

⑪[索隐]曰：传，音送宣反。